



豪擲逾4千萬
購獨立屋
有供樓壓力

■靚湯與馬國明
今年不會結婚。

湯洛 賺錢至上 雯 渴望情侶檔搵銀

湯洛雯
(靚湯) 去年
6月公開與「筍
盤」馬國明戀情後，
未及一年已傳出3次婚
訊，甚至有指二人將搬入靚湯
以4,500多萬購入的獨立屋築愛巢，
靚湯很感激大家對他們的祝福，但覺得
報道太誇張了，又強調今年不會結婚，
反之重點放在事業賺錢上，更計劃與
妹妹湯洛瑤合作一起做KOL。

■靚湯計劃與妹妹湯洛
瑤一起合作做KOL。



■靚湯事業心重，希望
繼續嘗試不同工作。

靚湯去年以首置名義，豪擲4千多萬購入馬鞍山獨立屋，她直言有供樓壓力，故目前賺錢至上，更渴望有機會與男友馬國明以「情侶檔」拍住上搵錢：「我哋未試過情侶檔工作，仲好fresh，我哋都focus搵錢方面，好想一齊搵錢，但要等公司安排。（會收貴啲？）等公司安排。」

「湯馬戀」拍拖至今未及一年已先後3次傳出婚訊，甚至有指馬明將於8月迎娶靚湯，二人更將搬入女方購入的獨立屋築愛巢，靚湯認為報道誇張，並澄清絕無此事：「報道好誇張，連賓客名單、日子都定理，絕對唔係。（今年結婚？）冇呢個想法。（新屋築愛巢？）絕對唔係愛巢，係我同屋企人一齊置業，只係用我名義，同埋我畀多啲錢，之後會同屋企人搬入去住。」

靚湯又無奈地說：「好感激大家祝福我哋，但祝福變咗推進器，大家想快啲見到多啲階段，但我哋其實拍拖時間唔長，覺得大家啱呢方面急進少少，現階段仲係了解中，（結婚）冇咁快，希望大家畀啲空間我哋。（視馬明為結婚對象？）唔講呢啲嘞！」對於戀情受到大家如此關注，靚湯承認始料不及，笑言大家太激進了，但亦無悔公開戀情。

性格狂野冀拍真人騷

入行9年的靚湯，有了愛情後，亦希望能專注



事業上，嘗試不同工作，她透露去年除了拍電視劇《一笑渡凡間》及《金宵大廈2》兩套劇，還拍了一部電影，最想拍綜藝節目。外表斯文的她自言其實很狂野玩得：「想試吓拍綜藝節目，因為呢個係可以令觀眾知道自己真實一面嘅渠道，唔似拍劇預設咗一個角色，好多人同我傾偈都話我睇落斯斯文文乖乖女，但其實我可以好狂野，我想拍真人騷，玩即場落妝。」

事業心重的靚湯，透露正計劃做KOL，她說：「我想同妹妹湯洛瑤合作，因為妹妹一直好想做KOL，佢對美容好有研究，我就會同大家分享減肥方法，仲會公開磅數同三圍。（着三點式泳衣出

鏡？）三點式係要有美情況下着，我唔會用性感來做噱頭，同埋我想用真實一面吸引網民，除咗拍同家人相處嘅片外，又會整蠱人。」她又先聲明被偷拍的朋友不可以生氣，其實她偷拍後會先讓「受害人」睇片，得到同意才會將片段放上網，大家可以放心。

場地：Oystermine



貓觀感強識分好人壞人 Gin Lee 擇偶靠愛貓把關

Gin Lee (李幸倪) 日前參與時裝品牌聯乘「香港拯救貓狗協會」項目拍攝廣告，宣揚「領養不棄養」信息，品牌更會捐出部分收益，為遺棄動物出一分力！廣告中她自願做「配角」，被「主子」小貓搶盡風頭。為令貓「主子」選中自己，她要使出渾身解數討好貓貓。她笑言自己做慣「奴才」，逗貓完全沒難度：「屋企都有位主子『杏仁糊』，平時放假都要劊便便、梳毛一腳踢，開完餐又要陪摸、陪玩、陪訓，聽到佢『煲水聲』就係最大回報。」拍攝期間貓貓非常「滿意」Gin Lee 表現，不時「挨挨搵搵」任摸唔撚，「可能我前世都係貓貓，要冰貓完全冇難度！其實寵物同主人都係由信任建立關係，喺我屋企貓貓地位好高，以前試過有啲男仔想追我，但係過唔到屋企主子呢一關，所以都冇一齊到。因為貓嘅觀感好強、好單純，佢哋好易睇得出呢個係好人定壞人，所以要做我屋企人，要過貓貓呢關先得。」

■李幸倪自言做慣貓奴才。

關智斌捱餓仍覺快樂

以真人騷形式在網上直播的《饑鐘30》於3月19至20日在馬草壟及數碼港舉行，4位「饑鐘之星」關智斌(Kenny)、姜濤以及組合ILUB艾粒需於30小時內接受一系列以「同步生活」為題的野外挑戰，首個挑戰要各自為自己搭建帳幕，Kenny和姜濤均沒紮營經驗，幸得露營及行山經歷豐富的艾粒出手協助，令兩位成功完成挑戰。他們還挑戰劈柴、耕種、自製洗手器、煮津巴布韋的菜式等。

期間Kenny在社交網上載有關照片，並留言說：「已經冇食嘢24個小時，對我來說這次是一個全新和快樂的體會。本來昨晚想好好同你哋分享一下，不過真係太眼瞓！」第一次露營的他，坦言有啲愛上咗。至於首次參與《饑鐘30》的姜濤，笑說沒想到長大後經常體驗捱餓的感覺，因要減肥，不可以吃東西。

關智斌和姜濤首次紮營手忙腳亂。

